

数百里间巨川盛涨，环趋于海。江海交会，水势洄沔，泥沙并注其中，是以海色全与他处异。至茶山，入长江口，广百馀里，与海相连。内有岛曰大戢岛，西人名之曰格子纳弗，向无居民，西人于其上安设电线，由上海莅此岛以达香港。公司轮船至此树旗，岛中遥辨其旗帜，即发电报至上海报知，率先半日咸知某船至矣。吴淞口外一程有伏洲，曰铜沙，税关置船于此，名曰铜沙灯船。有气炉能鼓（篴）〔簧〕作声，闻十馀里；每值阴雾，加火鼓篴，使舟行闻者辨知其为东洲，以便收泊。主桅悬巨灯以照夜，故名灯船。北近吴淞口，又有三墩灯船，与川沙厅相望。海口有灯塔，亦名三墩灯塔。灯船上又有浮桩，皆所以表识沙线，引泓以免胶滞。四点钟，行五十一买尔抵吴淞口距黄浦江十二买尔，因潮信已过，吴淞口伏沙不能进船，停碇口外。先令姚彦嘉、张听帆为料理住处，兼达知上海县勿迎迓，勿备酒席，以久病避周旋也。自正月十九日眷属人等由马赛上船，至三月初五日乃获登岸，计共四十七日。从无此次之迟久者。

初五日。高昌庙机器局派小轮船三号迎至吴淞口，唐景星、黄泳清亦坐招商局轮船来迎，子瀚侄又从宁波来，因相与登招商局船，行十二买尔合中国三十六里，至黄浦官马头，仍由县预备广肇公所为小憩之所。刘芝田，李勉林、叶顾之两观察，王厚山参府，傅焕廷守府均先至公馆枉候，莫善徵大令以假期未至，闻新有丧明之戚也。彭器之、罗星潭、李春山名仲良、张叔和四观察，严伯雅太守，陈宝渠，孙易堂名士逵，赵鼎臣主簿次第来见，皆旧识也。罗星潭与易笏山素交，久闻其名，上海小驻，考核洋情，能稍知其节要，予极赏之，以谓星潭黔人，距湖南更远，而所言洋务情形，吾楚竟无能及者，此为深识特见。罗星潭言：往时亦但知主战而已，至上海稍观其制造，而究察其情形，始悔向者议论之疏。中国不急图自立，深恐一变而为印度。其言急切如此，斯可谓究

心時事者矣。黃觀臣、鄭陶齋、周瀛士并至。

初六日。王灼堂名之春，鎮江管帶營勇、朱益甫兩觀察，楊韶和名昌榮、王心如名松森，幫辦文報局、楊誠之名兆鑒，新報翻譯、李石渠名寶森，貨捐局候補知府、蔡二源名匯滄，機器局幫辦、唐蓬之名贊彝，海運津局委員、袁海冠名樹勛、郭輔卿名寅階來見，江海關稅司赫德、副稅司許妥瑪、翻譯勞德、江海關造冊處柏卓安并過談，皆舊識也。晚邀唐景星、周瀛士、黃泳清、徐子源、姚彥嘉、張听帆、子（靜）〔瀨〕及英人禧在明晚酌，以劉芝田見貽一席，彥嘉、听帆方謀為予致祝生日，便邀一談。禧在明致領事達文波之意，告知《申報》館梅渣于兩次《申報》皆自承認，以為此遊戲之文而已，無足深論。達文波告以君自遊戲，一經按察司訊斷，恐獲罪非輕。梅渣一意枝梧。達文波之意，亦以為非經律師料理，未足以折其氣。初屬泳清邀陳輝廷商令寓書詰問梅渣，至是徑須令律師為之。唐景星言坦文聲名高出鰥林，然予在倫敦曾與坦文商辦一事，知其筆墨見解并猥下，無異人處，鰥林則所不能知也。然景星久與洋人交涉，所見必稍能得其真，不能不听从料理。非與梅渣校論得失，但欲窮知造謠之源而已。

初七日。周瀛士、黃泳清、姚彥嘉、張听帆以予生日枉賀，易卓超亦自寧波至，因留面食。子瀨侄為設酒肴。劉頤伯名舜年、吳受之名瀛過談。受之為金眉生之甥，曾至京師，此次由嘉善來謁。接到合淝伯相二月廿八日書、沈幼丹二月五日、劉峴庄正月廿七日、張力臣正月廿三日、黃芍庭、黃石山各信，及家信四通正月初八，二月初八、廿二、廿八，凡共四信、意城信三通正月廿五，二月初七、廿八、及健甫侄一信。又得美國牛庄領事鼎德一信，及英人馬理生來見。晚邀周瀛士、姚彥嘉、張听帆、黃泳清、易卓超、敬之、子瀨小酌。陳輝廷為擬致梅渣書，立言頗多疏漏，兩日議論及此，竟尚未得